



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08) i člana 57. Zakona o izvršavanju Budžeta Unsko-sanskog kantona za 2024. godinu („Službeni glasnik Unsko-sanskog kantona“, broj: 9/24 i 16/24), na prijedlog Kantonalne uprave civilne zaštite, Vlada Unsko-sanskog kantona na 64. sjednici, održanoj dana 26.8.2024. godine, d o n o s i

O D L U K U

o kriterijima i postupku dodjele sredstava odobrenih u Budžetu Unsko-sanskog kantona putem Kantonalne uprave civilne zaštite – Podrška projektima iz oblasti zaštite i spašavanja od prirodnih i drugih nesreća

Član 1. (Predmet)

Odlukom o kriterijima i postupku dodjele sredstava iz Budžeta Unsko-sanskog kantona za 2024. godinu, utvrđenih u razdjelu Kantonalna uprava civilne zaštite sa pozicije - Kapitalni grantovi drugim nivoima vlasti i fondovima (u daljnjem tekstu: Odluka) utvrđuje se postupak dodjele sredstava putem Kantonalne uprave civilne zaštite, sredstva za implementaciju, pravo učešća i kriteriji za dodjelu sredstava, prijava na Javni poziv i potrebna dokumentacija, način podnošenja prijave, postupak razmatranja prijave, dodjela sredstava, izvještavanje o utrošku sredstava, poništenje Javnog poziva, te stupanje na snagu.

Član 2. (Sredstva za implementaciju)

Sredstva za implementaciju ove Odluke utvrđena su u Budžetu Unsko-sanskog kantona za 2024. godinu - Kantonalna uprava civilne zaštite (u daljnjem tekstu: Uprava) u razdjelu 27, glava 01, potrošačka jedinica 0001, funkcija 0220, ekonomski kod 615100 – Kapitalni grantovi drugim nivoima vlasti i fondovima u iznosu od 80.000,00 KM.

Član 3. (Pravo učešća i namjena utroška sredstava)

Pravo učešća imaju jedinice lokalne samouprave Unsko-sanskog kantona.

- (1) Sredstva iz člana 2. ove Odluke namijenjena su za sufinansiranje projekata iz oblasti zaštite i spašavanja od prirodnih i drugih nesreća u skladu sa članom 183. stav (3) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06, 43/10) i tačkom VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 04/12, 80/13, 20/20).
- (2) Sredstva se ne mogu dodjeljivati za završene projekte.

Član 4.
(Opći kriteriji za dodjelu sredstava)

- (1) Za dodjelu sredstava za projekte iz oblasti zaštite i spašavanja od prirodnih i drugih nesreća jedinicama lokalne samouprave primjenjuju se sljedeći opći kriteriji:
 - a) da je cilj projekta provođenje preventivnih mjera za zaštitu od prirodnih i drugih nesreća,
 - a) da su u budžetu grada/općine planirana sredstva za provođenje preventivnih mjera zaštite i spašavanja od prirodnih i drugih nesreća,
 - b) da su u Programu razvoja zaštite i spašavanja ljudi i materijalnih dobara od prirodnih i drugih nesreća i Planu zaštite i spašavanja grada/općine utvrđene preventivne mjere zaštite i spašavanja od prirodnih i drugih nesreća,
 - c) da su Godišnjim planom korištenja sredstava posebne naknade za zaštitu od prirodnih i drugih nesreća grada/općine planirana sredstva za provođenje navedenih preventivnih mjera zaštite i spašavanja,
 - d) da općina/grad dostavi podatke o visini sredstava posebne naknade za zaštitu od prirodnih i drugih nesreća ostvarenih u prethodnoj kalendarskoj godini (finansijski dokument iz kojeg se jasno vidi ostvareni priliv sredstava).
- (2) Dokazi o ispunjavanju općih kriterija su original ili ovjerena kopija:
 - a) akta nadležnog organa grada/općine o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća,
 - a) akta nadležnog organa grada/općine o usvajanju Plana zaštite i spašavanja od prirodnih i drugih nesreća,
 - b) akta nadležnog organa grada/općine o korištenju sredstava posebne naknade za zaštitu od prirodnih i drugih nesreća za provođenje navedenih preventivnih mjera zaštite i spašavanja,
 - c) akta nadležnog organa grada/općine o korištenju budžetskih sredstava grada/općine za provođenje navedenih preventivnih mjera zaštite i spašavanja,
 - d) godišnjeg plana korištenja sredstava posebne naknade za zaštitu od prirodnih i drugih nesreća.

Član 5.
(Posebni kriteriji za dodjelu pomoći gradu/općini)

- (1) Općine/gradovi koji ispunjava opće kriterije iz člana 4. stav (1) ove Odluke rangiraće se prema posebnim kriterijima i to:
 - a) ako je priliv sredstava posebne naknade za zaštitu od prirodnih i drugih nesreća u općini/gradu iz člana 4. tačka e) ove Odluke od ukupno ostvarenog priliva koji pripada općinama/gradovima:
 - 1) manji od 30 % pet bodova,
 - 2) između 30% i 50 % tri boda,
 - 3) veći od 50 % dva boda.
 - b) ako su planirana sredstva u budžetu općine za provođenje preventivnih mjera zaštite i spašavanja od prirodnih i drugih nesreća (bez sredstava posebne naknade):
 - 1) veća od 30% od vrijednosti projekta pet bodova,

- 2) između 10% i 30% tri boda,
- 3) manja od 10% dva boda.
- c) projekti provođenja preventivnih mjera zaštite i spašavanja iz člana 4. tačka a) ove Odluke:
 - 1) ukupne vrijednosti do 10.000,00 KM jedan bod,
 - 2) ukupne vrijednosti od 10.000,00 – 50.000,00 KM dva boda,
 - 3) ukupne vrijednosti od 50.000,00 – 100.000,00 KM tri boda,
 - 4) ukupne vrijednosti preko 100.000,00 KM četiri boda.
- (2) Dokazi o ispunjavanju posebnih kriterija su:
 - a) izvještaj RAS-008 – Raspodjela javnih prihoda na korisnike-B2 za prethodnu godinu iz koje je vidljiv ukupan priliv sredstava posebne naknade za zaštitu od prirodnih i drugih nesreća,
 - b) projektni prijedlog i predmjer radova gdje su jasno naznačeni izvori finansiranja projekta.

Član 6.

(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Uprava, a koji će se objaviti na web stranici Uprave www.czusk.ba.
- (2) Prijava na Javni poziv vrši se dostavljanjem sljedeće dokumentacije:
 - a) Prijavni obrazac (Prilog I) koji je sastavni dio Odluke i isti se preuzima direktno sa stranice Uprave www.czusk.ba,
 - b) dokazi o ispunjavanju općih kriterija iz člana 4. ove Odluke,
 - c) dokazi o ispunjavanju posebnih kriterija iz člana 5. ove Odluke.

Član 7.

(Način podnošenja prijave)

- (1) Prijave sa potrebnom dokumentacijom dostavljaju se neposredno na protokol Vlade Unsko-sanskog kantona ili preporučeno putem pošte, na adresu:

<p>Kantonalna uprava civilne zaštite, Ul. Alije Đerzeleza br. 2, 77 000 Bihac,</p> <p>s naznakom</p> <p><i>Prijava po Javnom pozivu</i></p> <p><i>„Podršku projektima iz oblasti zaštite i spašavanja od prirodnih i drugih nesreća - Kapitalni grantovi“</i></p> <p><i>„NE OTVARAJ“</i></p> <p><i>Na poleđini koverta obavezno napisati naziv podnosioca prijave i adresu.</i></p>

- (2) Rok za podnošenje prijave je **15 (petnaest) dana** od dana objave Javnog poziva.
- (3) Neće se uzeti u razmatranje prijave koje su neblagovremene (dostavljene nakon isteka roka određenog Javnim pozivom).

Član 8.
(Postupak razmatranja prijave)

- (1) Dostavljene prijave po Javnom pozivu razmatra Komisija koju rješenjem imenuje direktor Kantonalne uprave civilne zaštite (u daljnjem tekstu: Direktor) i koju čine 3 člana.
- (2) Komisija iz stava (1) ovog člana vrši analizu ispunjenosti formalno-pravnih uslova dostavljenih prijava u skladu sa ovom Odlukom i Javnim pozivom. Pri razmatranju projektnih prijedloga, Komisija zadržava pravo zatražiti dodatna pojašnjenja o projektu od aplikanta. U izvještaju o provedenom postupku, koji nakon provedenog Javnog poziva sačinjava Komisija i koji se dostavlja Direktorpu putem protokola, navodi se:
 - a) Lista projektnih prijedloga koji ispunjavaju formalno-pravne uslove i
 - b) Lista podnosilaca prijave čije su prijave neblagovremene, nepotpune i neosnovane.
- (3) Prijave dostavljene nakon isteka roka određenog Javnim pozivom vraćaju se podnosiocima neotvorene.
- (4) Prijave koje su pristigle u traženom roku, ali koje nisu kompletno popunjene i koje ne sadrže traženu dokumentaciju, bit će odbačene i neće biti predmet razmatranja. Podnosioci prijava koje su neblagovremene, nepotpune i neosnovane, bit će o tome obaviješteni pisanim putem.
- (5) Protiv obavijesti iz stava (4) ovog člana podnosioci mogu podnijeti prigovor Kantonalnoj upravi civilne zaštite u roku od 3 dana od dana prijema obavijesti.
O prigovoru odlučuje Direktor.
- (6) Po okončanju prigovora, Uprava utvrđuje rang listu projekata i dostavlja Vladi kantona prijedlog Odluke o usvajanju programa utroška sredstava Budžeta Unsko-sanskog kantona, u razdjelu Kantonalna uprava civilne zaštite - glava 01, potrošačka jedinica 0001, funkcija 0220, ekonomski kod 615100– Kapitalni grantovi drugim nivoima vlasti i fondovima u iznosu od 80.000,00 KM, na razmatranje i donošenje.

Član 9.
(Ugovor o dodjeli sredstava)

- (1) Nakon donošenja Odluke iz člana 8. stav (6) ove Odluke Uprava sa odabranim korisnicima zaključuje Ugovore o dodjeli sredstava (u daljnjem tekstu: Ugovori).
- (2) Ugovor iz stava (1) ovog člana sadrži: ugovorne strane, predmet i cilj Ugovora, odobreni iznos sredstava i doznačavanje, izvještaj o namjenskom utrošku sredstava, trajanje i raskid Ugovora i ostale odredbe kojima su definisana međusobna prava i obaveze.
- (3) Dodijeljena sredstva, po usvajanju Programa utroška od strane Vlade doznačavaju se na račune podnosilaca prijave.

Član 10.
(Izvještavanje o utrošku sredstava)

- (1) Korisnici sredstava dužni su pravdati utrošak dodjeljenih sredstava Uprave predviđenih za realizaciju projekta.

Pravdanje će se vršiti odgovarajućom finansijskom dokumentacijom koja je sastavni dio Izvještaja o utrošku sredstava, koji se dostavlja Upravi najkasnije 15 dana od dana implementacije projekta.

- (2) Uprava zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).
- (3) Ukoliko korisnik sredstava ne dostavi Izvještaj o utrošku sredstava ili ista utroši nenamjenski, Uprava pokreće zakonom propisan postupak za povrat finansijskih sredstava.
- (4) Svako korištenje odobrenih sredstava suprotno namjenama utvrđenim članom 3. stav (2) ove Odluke smatrati će se nenamjenskim trošenjem.
- (5) O utrošenim sredstvima po ovoj Odluci uprava će Odlukom o usvajanju programa utroška, a nakon dostavljanja Izvještaja o utrošku sredstava, izvijestiti Vladu Kantona.

Član 11.

(Dodjela sredstava i poništenje Javnog poziva)

- (1) Projekti će se finansirati/sufinansirati sredstvima Uprave u skladu sa kriterijima utvrđenim članom 4. ove Odluke i raspoloživim finansijskim sredstvima utvrđenih članom 2. ove Odluke. U slučaju da jedinice lokalne samouprave apliciraju sa više projektnih prijedloga, i isti se nađu na rang listi, Direktor zadržava pravo konačnog odabira projektnih prijedloga za koje ocijeni da će isti imati/dati značajniji doprinos u oblasti provođenja mjera zaštite i spašavanja od prirodnih i drugih nesreća, a do utvrđene visine sredstava za implementaciju ove Odluke.
- (2) Po konačnoj rang listi projekata Uprava će jedinicama lokalne samouprave dostaviti obavijest o projektima koji su prihvaćeni i za čiju implementaciju će se izvršiti potpisivanje ugovora, kao i o projektima za koje nisu obezbijedena sredstva za implementaciju. Protiv ove obavijesti nije dozvoljen prigovor.
- (3) U postupku po Javnom pozivu Uprava zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.
- (4) U slučaju nedostatka sredstava u Budžetu Kantona obustavlja se realizacija dodjele sredstava.
- (5) Uprava ne snosi troškove nastale u vezi sa prijavom na Javni poziv.
- (6) Prispjela dokumentacija će se vratiti podnosiocima prijava samo na pismeni zahtjev u slučajevima utvrđenim u stavu (3) i (4) ovog člana.

Član 11.

(Stupanje na snagu)

Ova Odluka stupa na snagu danom donošenja, a objavit će se u "Službenom glasniku Unsko-sanskog kantona".

Broj: 03-02-51-1232/2024
Bihać, 26.8.2024. godine

